

ՆԵՐԿԱՅԱՑՈՒՄ (ՊՐԵԶԵՆՏԱՑԻԱ)

1 Պլանավորում

Հանրության առաջ ելույթ ունենալը պահանջում է բարձր պատրաստվածություն: Իսկ ելույթն ավելի պատկերավոր և ընկալելի դարձնելու համար լավ է, որ հաղիսատեսը ոչ միայն լսի, այլ նաև տեսնի: Խոսքը լսում են, անցնում-գնում է: Իսկ ներկայացումը (presentation) մնում է համակարգչում, որը կարող են պարբերաբար նայել և վերլուծել: Ուստի շատ կարևոր է, որ ներկայացումը պատրաստված լինի հետաքրքիր և բովանդակակալից: Ահա մի քանի պարզ կանոններ, որոնք կօգնեն քեզ լավ ներկայացում պատրաստել:



Մի ներկայացում՝ մի թեմա

Դժվար է լսել մեկին, ով մի թեմայից մյուսն է ցատկում: Ուստի քո ներկայացումը պետք է արձարժի միայն մի թեմա: Այն պետք է լինի կոնկրետ և հնարավոր լինի ներկայացնել առավելագույնը 10 համառոտ կետերով:

Օրինակ՝

Ծավալուն, վերացական թեմաներ

1. Մեր դպրոցի կայնքը
2. Գրքերը օգնում են զարգանալ
3. Ծառերը ուշադրություն են պահանջում

Կոնկրետ, հասկանալի և գրավիչ թեմաներ

1. Գարնանային ծառատունկ դպրոցի բակում
2. Գրքի փառատուն՝ գրադարանում
3. Խնձորենու խնամքը՝ լավ բերքի համար

Դպրոցում հետաքրքիր է ու զվարճալի



Ծառատունկը նոր շունչ կտա դպրոցի բակին



Որպեսզի ներկայացումը լինի շահագրգռող և հետաքրքրություն առաջացնի հանդիսատեսի մոտ, պետք է ունենա հստակ նպատակ:

Օրինակ

Վերացական նպատակ

1. Ցույց տալ, որ դպրոցի առօրյան ուրախ է անցնում
2. Պետք է գիրք կարդալ
3. Ծառերը պետք է խնամել

Կոնկրետ նպատակ

1. Համոզել բոլորին, որ գան ծառատունկին
2. Ցույց տալ, որ գրքի փառատունին ներկա լինելով կշահեն մրցանականեր
3. Սովորեցնել, թե ինչպես է պետք խնամել խնձորենին



ԳՈՐԾՆԱԿԱՆ ԱՇԽԱՏԱՆՔ

Առաջադրանք 1 «Իմ ներկայացման թեման»

Ստաժիր, թե ինչի մասին կուզես պատմել քո դասարանցիներին:

1. Որոշիր թեման:

Օրինակ՝

- Գրքերի նկարագրումը Հայաստանում
 - Կարգապահության կանոնները մեր դպրոցում
 - Ինչպես օգտվել էլեկտրոնային գրքերից
 - Դարձիր աշակերտական կազմակերպության անդամ
2. Սահմանիր քո ներկայացման նպատակը: Դրա համար բավական է պատասխանել հետևյալ հարցին. «Ինչի եմ ուզում հասնել այս ներկայացման միջոցով»:

Օրինակ՝


- Ծանոթացնել բոլորին, թե ինչ մեծ նշանակություն է ունեցել գրքերի նկարագրումը Հայաստանում տարբեր ժամանակներում, և ինչ տեխնիկաներ են օգտագործվել դրա համար:
- Ներկայացնել դպրոցում ընդունված կարգապահության կանոնները՝ դրանցից բխող էթիկական նորմերը և պատժամիջոցները՝ խախտելու դեպքում:
- Սովորեցնել, թե ինչպես կարելի է ներբեռնել էլեկտրոնային գրքեր, ինչ գործիքներ կան դրանք կարդալու համար, և ինչ կարգավորումներ կատարել՝ աչքերը չվնասելու համար:
- Համոզել աշակերտներին դառնալ աշակերտական կազմակերպության անդամ. ծանոթացնել կազմակերպության նպատակներին, միջոցառումներին, ներկայացնել անդամների պարտականություններն ու իրավունքները:

Հավաքիչ տեղեկություն

Երբ արդեն որոշել ես ներկայացման թեման՝ անհրաժեշտ է հավաքել ներկայացվող տեղեկությունը:

Տեղեկության համար ընտրիր հուսալի աղբյուրներ.

- Գրքեր և դասագրքեր. դասականները միշտ հուսալի են:
- Գիտական կայքեր (օր.՝ Վիքիպեդիա), գիտահանրամատչելի ռեսուրսներ (օր.՝ archive.org, researchgate.net), գիտական հոդվածներ:
- Պաշտոնական կայքեր (օր.՝ դպրոցի կայքը):
- Նորություններ և հետազոտություններ: Անպայման ստուգիր փաստերը, որպեսզի խուսափես սխալներից (*աղբյուրի հավաստիությունը ստուգելու կանոնները դասագրքի 4.2 բաժնում՝ կասկածելի հղումներ*):



Կազմի՛ր պլանը

Լավ պլանը գործի հաջողության գրավականն է: Ներկայացումը պետք է բաղկացած լինի 4 հիմնական մասերից:

✓ Տիտղոսաթերթ

Ընդգրկում է վերնագիրը, հեղինակի անունը և հեղինակային իրավունքը հաստատող նշանը:

✓ Ներածություն

Հենց առաջին իսկ պահից պետք է գրավել հանդիսատեսի ուշադրությունը: Այստեղ պետք է ցույց տալ ներկայացվող թեմայի կարևորությունը:



Օրինակ՝

«Ուզում ես, որ դպրոցի բակը լինի գեղեցիկ ու կանաչ»:

«Որքան շատ ծառ, այնքան շատ մաքուր օդ»

«Խնձորենու ճիշտ խնամքը կապահովի բարձր բերքատվություն»

✓ Հիմնական մաս

Հիմնական բովանդակությունը ցանկալի է, որ պարունակի առավելագույնը տասը սահիկ (slide): Ամեն սահիկ պետք է ներկայացնի մի միտք:

Ինչպե՞ս դա անել:

Քո հավաքած տեղեկությունից դուրս գրի հիմնական գաղափարները:

Ամեն գաղափարի շուրջ խոսելու համար առանձնացրու այնքան նյութ, որ տեղավորվես մեկ թուղթում:



Օրինակ՝

Սահիկ 1. Ինչու է ծառատունկը կարևոր դպրոցի համար

Սահիկ 2. Որքան հետաքրքիր է անցնելու այդ օրը

Սահիկ 3. Ինչ պետք է իմանալ նախապես. ծառ տնկելու կանոնները

Սահիկ 4. Ովքեր են օգնելու. ինչպես հետևել հրահանգիչներին

Սահիկ 5. Ինչպես գրանցվել ծառատունկին մասնակցելու համար

Սահիկ 6. Անցկացման օրն ու ժամը

✓ Եզրափակում

Այստեղ հակիրճ ամփոփիր թեման՝ կրկնելով հիմնական կետերը: Եվ վերջում ավելացրու գործողության կոչ:

Օրինակ՝

ԾԱՌԱՏՈՒՆԿ ԴՊՐՈՑԻ ԲԱԿՈՒՄ



Ծառատունկին մասնակցելով

- Կօզնես բնությանը
- Կգեղեցկացնես դպրոցի բակը
- Կունենաս զվարճալի և հագեցած օր

Բաց մի թող այս հրաշալի հնարավորությունը



Առաջադրանք 2 «Իմ ներկայացման պլանը»

- Թեման ընտրելուց և նպատակը որոշելուց հետո կազմիր ներկայացման պլանը:
 - Որոշիր վերանգիրը:
 - Ներկայացվող նյութը բաժանիր ամենաշատը 10 կետերի, որոնց մասին ուզում ես խոսել:
 - Մտածիր ներածական մաս, որը ընդհանուր կ'ներկայացնի թեման և կ'ընդգծի թեմայի կարևորությունը:
 - Մի քանի կետով ամփոփիր ողջ նյութը:
- Թղթի վրա պատրաստիր ներկայացման սցենարը: Գրիր յուրաքանչյուր սահիկի բովանդակությունը:


Օրինակ՝



Որոշիր թեման



Հավաքիր տեղեկություն



Կազմիր պլան

2


Սահիկաշար

Երբ արդեն որոշված և պլանավորված է ներկայացման բովանդակությունը՝ ժամանակն է մտածել ձևավորման մասին:

Կան բազմաթիվ էլեկտրոնային գործիքներ սահիկաշար պատրաստելու համար:

Օրինակ՝ PowerPoint, Keynote, Google slides, Tilda:

Քեզ մնում է միայն թղթի վրա պլանավորած սահիկները դարձնել էլեկտրոնային:



Սահիկի պատրաստում

Սահիկի տեսքից է կախված առաջին տպավորությունը: Լավ մտածված ձևավորումը միանգամից կլանում է հանդիսատեսի ուշադրությունը:

Որքան հակիրճ՝ այնքան գրավիչ

Պատկերացրու, որ նայում ես տեքստով լի սահիկի: Ձանձրալի է կարդալը: Բացի այդ տեքստը մանր է, ինչ էլ իր հերթին դժվարացնում է ընթերցումը:

- ✓ Պետք չէ ամբողջ տեքստը ներառել սահիկում: Թող միայն հիմնական կետերը: Մի սահիկի համար 8-12 բառը լավագույն տարբերակն է:
- ✓ Տեքստը լրացրու կամ փոխարինիր պատկերավոր նյութերով՝ նկարներ, լուսանկարներ, գծապատկերներ և այլն:

Օրինակ՝ գործընթացի երկար նկարագրության փոխարեն՝ հոսքագծի նկար:

Ծառ տնկելու ընթացքը

1. Փոս փորել
2. Արմատը դնել փոսի մեջ
3. Հող լցնել
4. Ջրել





- ✓ Եթե թեման ներառում է թվեր, ապա գծապատկերը դրանք ցուցադրելու լավագույն տարբերակն է:

Օրինակ՝

Աշակերտների հետաքրքրությունները

- 41% սպորտ
- 28% արվեստ
- 12% գիտություն
- 19% արշավներ



✓ Նշումներ արա

Սահիկի ներքևում կարող ես նշումներ կատարել: Դրանք սահիկաշարը ցուցադրելիս չեն երևա էկրանին: Կարող ես տպել նշումները և օգտվել դրանցից ելույթի ամանակ:

Ներդաշնակ գույներ՝ հաճելի ընթերցում

Դու կարող ես ստեղծել դատարկ էջ, ու ձևավորել այն ինչպես ուզում ես: Կարող ես նաև օգտվել առաջարկվող ձևանմուշներից:

- ✓ Օգտագործիր 2-3 հիմնական գույներ, որոնք լրացնում են միմյանց:
Օրինակ՝ կապույտ, սպիտակ, դեղին
- ✓ Տեքստը լավ ընթեռնելի է երբ ֆոնն ու տեքստը հակադիր գույներով են:
Օրինակ՝ սև տեքստ բաց ֆոնի վրա կամ սպիտակ տեքստ մուգ ֆոնի վրա
- ✓ Խուսափիր շատ պայծառ ու ճշացող գույներից. դրանք հոգնեցնում են աչքերը:
- ✓ Օգտագործիր մեկ կամ երկու տառատեսակ:
Օրինակ՝ մի տառատեսակը վերնագրերի, մյուսը՝ հիմնական տեքստի համար
- ✓ Մի ծանրաբեռնիր սահիկը դեկորատիվ տարրերով: Պարզությունը քո լավագույն ընկերն է:




ԳՈՐԾՆԱԿԱՆ ԱՇԽԱՏԱՆՔ

Առաջադրանք 1 «Սահիկի ստեղծում»

1. «PowerPoint» միջավայրում ստեղծիր նոր ֆայլ ընտրիր դատարկ ձևանմուշը: Լրացրու տիտղոսաթերթը:


Այստեղ գրիր ներկայացման վերնագիրը



Այստեղ ավելացրու հեղինակի քո անունը, ստեղծման ամսաթիվը, և այլն


2. Ավելացրու նոր սահիկներ: Ամեն սահիկում լրացրու վերնագիրն ու տեքստը:

Մեղմիր այստեղ նոր սահիկ ավելացնելու համար



3. Ձևավորիր սահիկը

Ներկիր այն որևէ գույնով: Ընտրիր ներկելու աստիճանական տարբերակը (ներքևում մուգ իսկ դեպի վերև աստիճանաբար բացվող):




Մեղմիր այստեղ սահիկը ներկելու համար

Ընտրիր գույնը և ներկելու ձևը

Փոխիր սահիկի վիճակի օբյեկտների դասավորությունը (ծախ կողմում վերնագիրն ու տեքստը, աջ կողմում նկարը):


Մեղմիր այստեղ և ընտրիր դասավորության տարբերակը



4. Տեղադրիր նկար

Մեղմիր այստեղ նկար տեղադրելու համար

Մեղմիր այստեղ էկրանի լուսապատճենը տեղադրելու համար



5. Ամեն սահիկի համար ավելացրու նշումներ




Այս հատվածը նախատեսված է նշումների համար

Առաջադրանք 2 «Նախասահմանված ձևաչափ»

1. Ստեղծիր նոր ֆայլ և ընտրիր առաջարկվող ձևանմուշներից մեկը:
2. Արդեն իսկ կազմված սահիկաչափի համար ընտրիր ձևավորման առաձարկվող ձևանմուշներից մեկը:

Սեղմիր այստեղ բոլոր ձևանմուշները տեսնելու համար



Սեղմիր այստեղ գույներն ու տառատեսակները ընտրելու համար


Սահիկի ցուցադրում, անհմացիա

Սահիկաչափն արդեն պատրաստ է և ժամանակն է այն ցուցադրել մեծ էկրանից:

Սեղմիր F5 կոճակը, և ցուցադրությունը կսկսվի հենց առաջին իսկ սահիկից: Եթե ուզում ես ցուցադրությունը սկսել այն սահիկից, որի վրա կանգ ես առել ապա սեղմիր Shift +F5:

Սեղմիր այստեղ և սկսիր ցուցադրությունը առաջին սահիկից

Սեղմիր այստեղ և շարունակիր ցուցադրությունը ընթացիկ սահիկից



Տուցադրության ընթացքում սահիկները փոխելու համար սեղմիր մկնիկի ձախ կոճակը: Կարող ես օգտագործել ստեղնաշարի սլաքները սահիկները հետ ու առաջ անելու համար:

Անիմացիա

Սահիկի ցուցադրությունն ավելի տպավորիչ և հիշվող դարձնելու համար օգտագործիր անիմացիաներ: Դրանք դինամիկա են հաղորդում սահիկաշարին, և կարող են հետաքրքրություն առաջացնել: Բայց շատ կարևոր է անիմացիայի չափավոր օգտագործումը: Չափից շատ անիմացիան կարող է շեղել ուշադրությունը:

Փորձիր տարբեր անիմացիաներ, որպեսզի գտնես լավագույն տարբերակը քո ներկայացման համար:

Հիշի՛ր. անիմացիայի նպատակը ներկայացումը ավելի գրավիչ դարձնելն է՝ առանց չափազանցելու:

Ինչպե՞ս չչափացանցել անիմացիա օգտագործելիս

- ✓ Օգտագործիր անիմացիա, երբ պետք է գործընթացը քայլ առ քայլ ցույց տալ **Օրինակ՝** հերթով սահիկի վրա ավելացնել ծառ տնկելու քայլերը
- ✓ Օգտագործիր անիմացիա, երբ պետք է շեշտել կարևոր կետը **Օրինակ՝** ծառ տնկելու կարևորությունից խոսելիս հերթով ընդգծել ամեն կետը
- ✓ Օգտագործիր պարզ էֆեկտներ. տեքստի կամ պատկերի սահուն ցուցադրումը ավելի հաճելի է:

Եկ տեսնենք, թե ինչ անիմացաներ կան, և ինչպես կարող ես հետաքրքրություն ավելացնել քո սահիկաշարին:


Անիմացիաները կարելի է բաժանել չորս հիմնական խմբերի .

- **Մուտքի**
Գործում է սահիկը ցուցադրելիս:
Օրինակ՝ Սահիկի օբյեկտները հայտնվում են ոչ միանգամից, այլ աստիճանաբար:
- **Շեշտադրման**
Սահիկի որևէ օբյեկտի վրա ուշադրությունը կենտրոնացնելու համար է:
Օրինակ՝ Օբյեկտը կարող է թրթռալ կամ մեծանալ:
- **Ելքի**
Գործում է այլ սահիկի անցնելիս:
Օրինակ՝ սահիկը փակելուց առաջ օբյեկտները արող են աստիճանաբար անհետանալ:
- **Շարժման**
Սահիկի վրա օբյեկտը տեղաշարժելու համար է:


Ինչպես անիմացիա ավելացնել

Բաց այս էջը, անիմացիա ընտրելու համար

Մեղմիր այստեղ, բոլոր էֆեկտները տեսնելու համար



Ընտրիր անիմացիայի ենթական օբյեկտը և անիմացիաների ցանկից այն էֆեկտը, որն ուզում ես կիրառել:




Կիրառիր քո ներկայացմանը համապատասխան անիմացիաներ:

- ✓ Անիմացիայի ոճը պետք է համապատասխանի ներկայացման ընդհանուր ոճին:
- ✓ Անիմացին էֆեկտը պետք է խոսի քո թեմայի հետ (լուրջ, զվարճալի և այլն):
- ✓ Ուշադիր եղիր անիմացիայի տեմպին և տևողությանը: Այն չպետք է լինի շատ դանդաղ կամ շատ արագ:
- ✓ Դասավորիր անիմացվող օբյեկտները ճիշտ հերթականությամբ:





Առաջադրանք 1 «Երկրաչափական պատկերներ»

1. «PowerPoint» միջավայրում ստեղծիր նոր ֆայլ: Սահիկի վրա ավելացրու 4 երկրաչափական պատկերներ:




2. Ամեն օբյեկտի համար ընտրիր ցուցադրման որևէ էֆեկտ:



Այստեղ կարող ես փոխել օբյեկտների ցուցադրման հերթականությունը

3. Կարգավորիր ցուցադրման տևողությունը այն օբյեկտների համար, որոնց համար անհմացիայի էֆեկտ ես կիրառել:




Ընտրիր ցուցադրման տևողությունը

- Ընտրիր ցուցադրման պահը
- Մկնիկի կոճակը սեղմելիս
 - Նախորդ օբյեկտը ցուցադրելուց հետո
 - Նախորդ օբյեկտի հետ միասին


Նշիր, թե որքան է պետք սպասել ցուցադրումը սկսելուց առաջ

4. Ընդգծիր հնգանկյունը՝ մեծացնելով անհմացիայի տևողությունը:



Այս գիծը ցույց է տալիս ցուցադրման տևողությունը

5. Տեղափոխիր քառանկյունը կոր գծով: Ընտրիր շարժման տևողությունը:



Նշիր օբյեկտը և շարժման անհմացիաներից ընտրիր անհրաժեշտը